

勅脩甘肅通志


第三十二册

卷之第四十四

藝文

卷之第四十五

藝文



甘肅通志卷之第四十四

藝文

藝文首重

王言德音已列蠲卹款內

綸綍宣布安內攘外除暴安良上荷

天庥下恤民隱勒珉澤官播告天下垂諸萬世永為法則

志藝文

御製

聖祖仁皇帝諭陝西四川總督吳赫 康熙三十六年

甘肅通志

卷四十四 藝文

一

上諭朕巡幸沿邊地方詢察閭井生聚及土田沃瘠之狀
自晉抵秦經行二千餘里直抵寧夏所以勤求民隱至
殷且切惟朔方資大河之灌注疏渠溉田宜於稼穡當
茲春氣鬯遂正三農盡力南畝之時誠恐有司官員不
體朕懷因車駕經臨調遣師旅借辭供億擾累小民既
東作之有違將西成之奚望今一切軍需芻糗俱經備
備足以資用至扈從人役概從簡約所有馬匹悉收放
水草善地並不須以供辦草豆動煩民力爾可傳飭有
司禁勿借端妄行科派違旨事覺定行處分仍徧諭地



方百姓各安本業塵無廢市隴無輟耕庶不負朕親歷邊圉軫恤民依之意特諭

諭寧夏官紳兵民

康熙三十六年

上諭朕體天育物日以治安爲念雖身在宮庭而心恒周四海頃因指畫軍務不憚勤勞遠蒞寧夏無非爲盪滌寇氛綏又生靈計也緣邊千餘里土壤磽瘠惟寧夏洪流灌輸諸渠環匝巡覽所至甚愜朕懷夫農桑者衣食之本積儲者殷阜之原爾官吏宜董勸父老子弟三時力田以盡地利比屋勤殖以裕蓋藏縱使歲偶不登亦

甘肅通志

卷四十四 藝文

二

可無憂匱乏若夫秦風健勇自昔爲然其在朔方尤勝他郡爾等或職居將領或身列戎行尚各厲精銳以効干城禦侮之用斯國家有厚望焉至於忠孝慈惠服官之良規孝弟齒讓生人之大經法紀不可不明禮教不可不肅勿以地處邊陲而不治以經術勿以習尚氣力而不澤以詩書總期上率下從庶幾馴臻雅化茲乘輿返蹕距靈朔雖遠而瞻念塞垣如在几席爾等勤能敬體朕言將吏協恭兵民咸理生聚日益厚風俗日益淳則疆圉實有攸裨朕心亦用深慰慎毋視爲具文率朝

廷倦倦脯道之意欽哉特諭

聖祖仁皇帝御製平定朔漠告成太學碑

康熙四十三年

維

天盡所覆海內外日月所出入之區悉以畀予一人自踐
阼迄今蚤夜殫思休養生息冀臻熙皞以克副維皇大
德好生之意庶幾疆域無事得以偃兵息民迺厄魯特
噶爾丹咀險北陲困此一方人旣荼毒塞外輒狡焉肆
其凶逆犯我邊鄙虐我臣服人用弗寧夫蕩寇所以息
民攘外所以安內邊寇不除則吾民不安此神人所共

甘肅通志

卷四十四 藝文

三

憤天討所必加豈憚一人之勞弗貽天下之逸於是斷
自朕心躬臨朔漠欲使悔而革心故每許以不殺彼怙
終不悛我師三出絕塞朕皆親御以行深入不毛屢涉
寒暑勞苦艱難與偏裨士卒共之迨彼狂授首脅從歸
誠荒外君長來享闕下西北萬里灌燧銷烽中外乂謐
惟朕不得已用兵以安民旣告厥成事迺蠲釋告災潔
事禋望爲億兆祈昇平之福而廷臣請紀功太學垂示
來茲朕勞心於邦本嘗欲以文德化成天下顧茲武畧
廷臣僉謂所以建威消萌宜昭斯績於有永也朕不獲

辭攷之禮王制有曰天子將出征受成於學出征執有罪反釋奠於學以訊馘告而泮宮之詩亦曰矯矯虎臣在泮獻馘又禮王師大獻則奏愷樂大司樂掌其事則是古者文事武事爲一折衝之用具在樽俎之間故受成獻馘一歸於學此文武之盛制也朕嚮意於三代故斯舉也出則告於神祇歸而遣祀闕里茲允廷臣之請猶禮先師以告克之遺意而於六經之指爲相符合也爰取思樂泮水之義爲詩以銘之以見取亂侮亡之師在朕有不得已而用之之實或者不戾於古帝王伐罪

甘肅通志

卷四十四 藝文

四

安民之意云爾銘曰巍巍先聖萬世之師敬信愛人治平所基煌煌聖言文武道一禮樂征伐自天子出朕臨域中逾茲三紀嘗見羹牆寤寐永矢下念民瘼上承帝謂四海無外盡隸侯尉維彼兇醜瀆亂典常旣梗聲教遂窺我疆譬之於農患在螟螣秉畀不施將害稼穡度彼游魂險遠是怙震以德威可往而取朕志先定龜筮其依屬車萬乘建以龍旂祝融驂鸞風伯戒途宜賜而賜利我樵蘇大野水涸川瀆效靈泉忽自涌其甘如醴設爲犄角一出其西一出其東中自將之絕域無人

獸羣受掩五日窮追彼狂走險大殲於路波血其孥翦
其黨孽俘彼卒徒衆烏晝號單馬宵遁恐久駐師重爲
民困慎固戍守還轅於京自夏徂冬雨雪其零載馳載
驅我行至再蠢茲窮寇昏惑不悔我邊我氓以休以助
爰寧其居爰復其賦藩落老稚斯恬斯嬉歲晏來歸春
與之期春風飄翻揚我旆旃我今于邁如涉我郊言秣
我馬狼居胥山登高以眺閱彼彈丸天降兇罰孤雛就
羈三駕三捷封狼輿尸旣腊梟獍旣獮豺驅大漠西北
解甲棄及振旅凱入澤霈郊卜明禋肆赦用迓景福昔
甘肅通志

卷四十四

藝文

五

我往矣在泮飲酒陳師鞠旅誓屈羣醜今我來思在泮
獻功有赫頌聲文軌來同采芹采藻頌興東魯車攻馬
同亦鐫石鼓師在安民非出得已古人有作昭示此旨
緬維虞廷誕敷文德聖如先師戰愼必克惟兵宜戢惟
德乃綏億萬斯年視此銘詞

皇上御製平定青海告成太學碑

雍正三年

我國家受

天眷命撫臨八極日月所照罔不臣順遐邇乂安兆人蒙

福乃有羅卜藏丹津者其先世固始汗自國初稽首

歸命當時使臣建議畀以駐牧之地其居雜番羗密
近甘涼我

皇考聖祖仁皇帝睿慮深遠每屢於懷旣

親御六師平定朔漠威靈所加青海部落扎什巴圖兒等

震讐承命

聖祖仁皇帝因沛殊恩封爲親王兄弟八人咸賜爵祿羈

縻包容示以寬大而狠心梟性不可以德義化三十

年來包藏異志朕絡登寶位優之錫賚榮其封號尚

冀革心輯寧部衆而羅卜藏丹津昏謬狂悖同黨吹

甘肅通志

卷四十四 藝文

六

拉克諾木齊阿爾布坦溫布藏巴扎布等實爲元惡

謂國家方弘浩蕩之恩不設嚴密之備誕敢首造逆

謀迫脅番羗侵犯邊城反狀彰露用不可釋於天誅

遂命川陝總督太保公年羹堯爲撫遠大將軍聲罪

致討以雍正元年十月師始出塞自冬涉春屢破其

衆凡同叛之部落戈鋌所指應時摧敗招降數十萬

衆又降其貝勒貝子公台吉等二十餘人朕猶憫其

蠢愚若悔禍思愆束手來歸尚可全宥而怙惡不悛

負險抗違乃決翦滅之計以方畧密付大將軍羹堯

調度軍謀簡稽將士用四川提督岳鍾琪爲奮威將軍於仲春初旬禡牙徂征分道深入搗其窟穴電掃風驅搜剔巖阻賊徒蒼黃糜潰窮蹙失據羅卜藏丹津之母及逆謀渠魁悉就俘執擒獲賊衆累萬牲畜軍械不可數計賊首逃遁我師踰險窮追獲其輜重人口殆盡羅卜藏丹津子身易服竄匿荒山殘喘待斃自二月八日至二十有二日僅旬有五日軍士無久役之勞內地無轉輸之費克奏膚功永清西徼三月之朔奏凱旋旅鏡鼓喧轟士衆訢喜四月十有二

甘肅通志

卷四十四 藝文

七

日以倡逆之吹拉克諾木齊等三人獻俘

廟

社受俘之日臣民稱慶伏念

聖祖仁皇帝威靈震於遐方福慶流於奕葉用克張皇六師殄滅狂賊行間將士亦由感激

湛恩厚澤爲朕踴躍用命斯役也芟夷凶悖綏靖番羌俾烽燧永息中外人民胥享安阜實成

先志以懋有不續廷臣上言稽古典禮出征而受成於學所以定兵謀也獻馘而釋奠於學所以告凱捷也宜

刊諸琅石揭於太學用昭示於無極遂爲之銘曰
天有雷霆聖作弧矢輔仁而行威遠寧邇維此青海
種類實繁錫之茅土列在藩垣被我寵光位崇祿富
負其阻遐禍心潛構恭惟

聖祖慮遠智周睠念荒服綏撫懷柔朔野旣清西陲攸震
爵號渚加示之恩信如何凶狡造謀逆天鼓動昏憝
寇侵於邊惟彼有罪自于天罰桓桓虎貔爰張九伐
王師卽路冬雪初零日耀組練雷響輦鉦蠢茲不順
敢逆戎旅奮張螳臂以當齊斧正如山嶽疾如雨風

甘肅通志

卷四十四 藝文

八

我戰則克賊壘其空彼昏終迷曾不悔戾當翦而滅
斯焉決計厲兵簡將往擣其巢踰歷嶽嶠坦若坰郊
賊棄其家我繫而獲牛馬谷量器仗山積蹇兔失窟
何所逋逃枯魚遊釜假息煎熬師以順動神明所福
旬日凱歸不疾而速殪彼逆謀懸首藁街獻俘成禮
金鼓調諧西域所瞻此惟雄特天討旣申羣酋惕息
櫜戈偃革告成辟雍聲教遐暨萬國來同惟我

聖祖親平大漠巍功煥文邁桓軼酌流光悠久視此銘辭

繼志述事念茲在茲

雍正八年四月十三日奉

上諭古稱黃河之神上通雲漢光啓圖書禮曰三王之祭川也皆先河而後海此之謂務本惟

神澤潤萬國福庇兆民自古及今功用昭著我朝自定鼎以來仰荷

神庥尤爲彰顯或結爲冰橋以濟師旅或淤成沃壤以惠黎元或湧出沙洲作天然之保障或長成堤岸屹永固之金湯他如濟運通漕安瀾順軌有禱必應無感不通至於澄清於六省之遙閱歷於七旬之久稽

甘肅通志

卷四十四 藝文

九

諸史冊更屬罕聞

神之相佑我國家者至矣朕敬禮之心至爲誠切因念江南河南等處皆有廟宇虔恭展祀而河源相近之處向來未建專祠以崇報享典禮亟宜舉行查河源發於崑崙地隔遙邊人稀境僻其流入內地之始則在秦省之西寧地方朕意於此地特建廟宇專祀河源之神敬奉蒸嘗以答

神貺其如何加封神號及度地建廟一應典禮著九卿

悉心詳議具奏特諭

宣諭化導

上諭朕御極以來繼述

皇考聖祖仁皇帝又安區宇之

聖心旰食宵衣朝乾夕惕欲使薄海內外休養生息物阜民安永戢兵戈咸登衽席以成蕩平熙皞之治是以宣猷敷治之間弘綱庶務凡有益於民生者莫不興舉不便於民生者莫不屏除若有幾微措置失宜卽五內展轉寤寐難安豈肯好大喜功興兵構難使百姓有供應之勞不遑寧處哉惟是除暴乃所以安良

甘肅通志

卷四十四 藝文

十

撫內莫先於攘外此古今不易之至理帝王治世之常經凡爾百姓粗通大義者卽莫不知之不必待高遠之識也惟彼準噶爾一部落原係元朝之臣僕其始祖曰額森額森之子托渾漸至大員因擾亂元之宗族離間蒙古惟恐獲罪遂背負元朝之恩逃遁藏匿於西北邊遠之地煽惑匪類要結黨與自稱準噶爾當我朝定鼎之初各處蒙古傾心歸順求爲屬國共享昇平之福獨準噶爾一部落違越於德化之外至噶爾丹策妄阿拉布坦二人則尤狡獪兇頑之甚

勅賜廣惠寺碑文

雍正十年

黃教之興盛于西土其道根源天竺演說因果覺悟羣生使爲善者知勸作惡者思懲與作善降祥作不善降殃之理默相符合所以易俗移風裨助于王化爲益弘矣西寧舊有郭莽寺地處通途爲邊方古刹從西藏進口之喇嘛皆于此托足卽佛家所謂十方院也自羅卜藏丹津悖義作逆茲寺奸頑喇嘛與相連結煽動部落遂使修行之區轉爲藏奸之藪是以大兵進討除其衆而燬其寺所以鉏惡止亂非得已

甘肅通志

卷四十四

藝文

十

也邇來氛翳廓清疆土寧謐宜振興黃教以綏撫番夷爰發帑金遣官往爲重建佛殿經堂僧舍山門規模復舊丹雘一新常住之僧以二百人爲限俾其宣揚妙法且使往來僧衆有所棲憩董役之臣請易嘉名賜額曰廣惠寺所望重建之後遐邇番夷一心信奉敦崇善行以延慶祐永享我國家億萬載太平之樂是朕錫福蒸民躋諸仁壽之意也紀文勒石用昭示於久遠焉

勅賜祐寧寺碑文

雍正十年

西寧郭隆寺地處通途喇嘛之自西藏來者于茲取
道爲邊陲古刹自羅卜藏丹津之叛結連奸頑喇嘛
煽惑番夷一時蠢動是以大兵進討燒焚寺宇俾奸
宄無所藏匿凶徒旣殄邊境救寧梵刹舊基理宜修
復爰發帑鳩工遣官往董其事山門佛殿規制秩然
僧舍經堂一準舊式限令延僧二百人常住薰修宣
揚妙法往來梵衆亦得棲息之所役旣告竣以舊稱
不雅勅定嘉名賜額曰祐寧寺並紀文勒石以昭久
遠夫黃教之傳盛于西域凡厥部衆尊崇信奉遠邇
甘肅通志

卷四四 藝文

十一

一心其爲道蓋佛氏之支流開示迷途因俗利導於
治化不爲無助書曰惠迪吉從逆凶惟影響覽茲寺
廢興之由順逆之理昭然矣我國家弘敷德澤以振
興黃教綏撫番夷繼自今恪守清規虔修梵行諸部
落皈依崇奉之願久且益堅將見鴻慈普祐永戴清
寧茲寺與西土山川同其悠久可也

勅賜河神廟碑文

雍正十年

四瀆之中河爲大自星宿發源經行數千里而入中
國亘絡坤維澤潤九宇方望之祭三代以來尚矣我

國家敬共明神欽崇祀事精禋昭格靈貺丕彰南北
隄工安瀾底績漕艘利濟輪輓以時抑且引河自汕
於中泓沮洳悉淤爲沃壤澄清千里經歷三旬上瑞
光昭鴻庥屢著竟豫江淮之境各建廟宇春秋展祀
尊崇令典視前代爲加虔顧河源所自廟貌闕焉於
禮未稱朕念崑崙崑遠在荒徼命使不能時至而禹貢
有導河積石之文考其地在今西寧河州境內黃河
流入中國自此始則建廟以祀

河源之神實惟茲地爲宜廼命禮官詳議勅甘肅撫臣

甘肅通志

卷四十四 藝文

七

於河州相度善地恭建新廟高門廣殿肅穆閎深發
帑鳩工專官董役雍正九年冬十月告成朕親灑宸
翰賜額曰福祐安瀾先是諭旨甫頒經營伊始雍正
八年六月之望河州有慶雲捧日之瑞自午至申萬
衆瞻仰七月五日臨洮道臣相地積石關外見河流
澄澈上下百有餘里徹底瑩潔凡三晝夜同時入告
共慶嘉祥朕惟河嶽山川均爲造化之功用而潤澤
廣遠利賴溥被惟河最靈

河神之福國祐民歷有明驗今茲立廟之地顯著休徵

益以知

天心降鑒感則必通神德昭明誠無不格爰誌建廟歲月
揭諸貞珉兼紀

明神顯應之蹟垂示永久以昭朕夙夜懋勉恭承

天眷敬迓

神庥之至意云

甘肅通志

卷四十四 藝文

三

甘肅通志卷之第四十四 終

甘肅通志卷之第四十五

藝文

甘省自義皇畫卦肇啓文明千古文章孰大於是從漢迄今或良臣謀國碩畫訂謨或學士名儒立言著述皆足信今傳後鼓吹休明卽吟咏篇什輶軒采風亦所必錄搜輯蒼萃備載簡編至於月露風雲浮詞縟語無關治忽則不取焉志藝文

奏疏

漢趙充國上書陳兵利害 臣竊見騎都尉安國前幸

甘肅通志

卷四十五 藝文

一

賜書擇羗人可使使罕論告以大軍當至漢不誅罕以解其謀恩澤甚厚非臣下所能及臣獨私美陛下盛德至計亡已故遣开豪雕庫宣天子至德罕开之屬皆聞知明詔今先零羗楊玉此羗之首帥名王將騎四千及煎鞏騎五千阻石山木候便爲寇罕羗未有所犯今置先零先擊罕釋有罪誅無辜起一難就兩害誠非陛下本計也臣聞兵法攻不足者守有餘又曰善戰者致人不致於人今罕羗欲爲燉煌酒泉寇宜飭兵馬練戰士以須其至坐得致敵之術以逸

擊勞取勝之道也今恐二郡兵少不足以守而發之
行攻釋致虜之術而從爲虜所致之道臣愚以爲不
便先零羌虜欲爲背畔故與罕开解仇結約然其私
心不能亡恐漢兵至而罕开背之也臣愚以爲其計
常欲先赴罕开之急以堅其約先擊罕羌先零必助
之今虜馬肥糧食方饒擊之恐不能傷害適使先零
得施德於罕羌堅其約合其黨虜交堅黨合精兵二
萬餘人迫脇諸小種附著者稍衆莫須之屬不輕得
離也如是虜兵寢多誅之用力數倍臣恐國家憂累

甘肅通志

卷四十五 藝文

二

繇十年數不二三歲而已臣得蒙天子厚恩父子俱
爲顯列臣位至上卿爵爲列侯犬馬之齒七十六爲
明詔填溝壑死骨不朽亡所顧念獨思惟兵利害至
熟悉也於臣之計先誅先零已則罕开之屬不煩兵
而服矣先零已誅而罕开不服涉正月擊之得利之
理又其時也以今進兵誠不見其利唯陛下裁察

趙充國上屯田奏 臣聞兵者所以明德除害也故

舉得於外則福生於內不可不慎臣所將吏士馬牛

食月用糧穀十九萬九千六百三十斛鹽千六百九

十三斛芟藁二十五萬二百八十六石難久不解繇
役不息又恐它夷卒有不虞之變相因並起爲明主
憂誠非素定廟勝之冊且羗虜易以計破難用兵碎
也故臣愚以爲擊之不便計度臨羗東至浩壘羗虜
故田及公田民所未墾可二千頃以上其間郵亭多
壞敗者臣前部士入山伐材木大小六萬餘枚皆在
水次願罷騎兵留弛刑應募及淮陽汝南步兵與吏
士私從者合凡萬二百八十一人用穀月二萬七千
三百六十三斛鹽三百八斛分屯要害處水解漕下

甘肅通志

卷四十五 藝文

三

繕鄉亭浚溝渠治湟陘以西道橋七十所令可至鮮
水左右田事出賦人二十晦至四月草生發郡騎及
屬國胡騎伉健各千倅馬什二就草爲田者遊兵以
充入金城郡益積畜省大費今大司農所轉穀至者
足支萬人一歲食謹上田處及器用簿唯陛下裁許
趙充國復上屯田狀 臣聞帝王之兵以全取勝是
以貴謀而賤戰戰而百勝非善之善者也故先爲不
可勝以待敵之可勝蠻夷習俗雖殊於禮義之國然
其欲避害就利愛親戚畏死亡一也今虜亡其美地

薦草愁於寄托遠遯骨肉離心人有畔志而明主般
師罷兵萬人留田順天時因地利以待可勝之虜雖
未卽伏辜兵決可期月而望羗虜瓦解前後降者萬
七百餘人及受言去者凡七十輩此坐支解羗虜之
具也臣謹條不出兵留田便宜十二事步兵九校吏
士萬人留屯以爲武備因田致穀威德並行一也又
因排折羗虜令不得歸肥饒之地貧破其衆以成羗
虜相畔之漸二也居民得並田作不失農業三也軍
馬一月之食度支田士一歲罷騎兵以省大費四也

甘肅通志

卷四十五 藝文

四

至春省甲士卒循河湟漕穀至臨羗以眎羗虜揚威
武傳世折衝之具五也以閒暇時下所伐材繕治郵
亭充入金城六也兵出乘危徼幸不出令反畔之虜
竄於風寒之地離霜露疾疫瘵墮之患坐得必勝之
道七也亡經阻遠追死傷之害八也內不損威武之
重外不令虜得乘閒之執九也又亡驚動河南大拜
小拜使生它變之憂十也治湟隍中道橋令可至鮮
水以制西域信威千里從枕席上過師十一也大費
旣省繇役豫息以戒不虞十二也留屯田得十二便

出兵失十二利臣充國材下犬馬齒衰不識長冊惟
明詔博詳公卿議臣採擇

趙充國復奏屯田 臣聞兵以計爲本故多算勝少
算先零羗精兵今餘不過七八千人失地遠客分散
饑凍罕拜莫須又頗暴畧其羸弱畜產畔還者不絕
皆聞天子明令相捕斬之賞臣愚以爲虜破壞可日
月冀遠在來春故曰兵決可期月而望竊見北邊自
燉煌至遼東萬一千五百餘里乘塞列隧有吏卒數
千人虜數大衆攻之而不能害今留步士萬人屯田

甘肅通志

卷四十五 藝文

五

地執平易多高山遠望之便部曲相保爲塹壘木樵
校聯不絕便兵弩飭鬪具燧火幸通執及并力以逸
待勞兵之利者也臣愚以爲屯田內有亡費之利外
有守禦之備騎兵雖罷虜見萬人留田爲必禽之具
其土崩歸德宜不久矣從今盡三月虜馬羸瘦必不
敢捐其妻子于它種中遠涉河山而來爲寇又見屯
田之士精兵萬人終不敢復將其累重還歸故地是
臣之愚計所以度虜且必瓦解其處不戰而自破之
冊也至于虜小寇盜時殺人民其原未可卒禁臣聞

戰不必勝不苟接刃攻不必取不苟勞衆誠令兵出雖不能滅先零豈能令虜絕不爲小寇則出兵可也卽今同是而釋坐勝之道從乘危之執往終不見利空內自罷敝貶重而自損非所以示蠻夷也又大兵一出還不可復留湟中亦未可空如是繇役復發也且匈奴不可不備烏桓不可不憂今久轉運煩費傾我不虞之用以澹一隅臣愚以爲不便校尉臨衆幸得承威德奉厚幣拊循衆羌諭以明詔宜皆鄉風雖其前辭嘗曰得亡效五年宜亡他心不足以故出兵

甘肅通志

卷四五

藝文

六

臣竊自惟念奉詔出塞引軍遠擊窮天子之精兵散車甲於山野雖亡尺寸之功媮得避嫌之便而亡後咎餘責此人臣不忠之利非明主社稷之福也臣幸得奮精兵討不義久留天誅罪當萬死陛下寬仁未忍加誅令臣數得執計愚臣伏計執甚不敢避斧鉞之誅昧死陳愚唯陛下省察

班超上書請兵 臣竊見先帝欲開西域故北擊匈奴西使外國勸善于寘卽時向化今拘彌莎車疏勒月氏烏孫康居復願歸附欲共并力破滅龜茲平通

漢道若得龜茲則西域未服者百分之一耳臣伏自
惟念卒伍小吏實願從谷吉效命絕域庶幾張騫棄
身曠野昔魏絳列國大夫尚能和輯諸戎況臣奉大
漢之威而無鈇刀一割之用乎前世議者皆曰取三
十六國號爲斷匈奴右臂今西域諸國自日之所入
莫不向化大小欣欣貢奉不絕惟焉耆龜茲獨未服
從臣前與官屬三十六人奉使絕域備遭艱厄自孤
守疏勒於今五載胡夷情數臣頗識之問其城郭大
小皆言倚漢與依天等以是效之則葱嶺可通葱嶺

甘肅通志

卷四十五 藝文

七

通則龜茲可伐今宜拜龜茲侍子白霸爲其國王以
步騎數百送之與諸國連兵歲月之間龜茲可禽以
夷狄攻夷狄計之善者也臣見莎車疏勒田地肥廣
草牧饒衍不比燉煌鄯善間也兵可不費中國而糧
食自足且姑墨溫宿二王特爲龜茲所置旣非其種
更相厭苦其執必有降反若二國來降則龜茲自破
願下臣章參考行事誠有萬分死復何恨臣趨區區
特蒙神靈竊冀未便僵仆自見西域平定陛下舉萬
年之觴薦勲祖廟布大喜於天下

曹鳳請建復西海郡縣 西戎爲害前世所患臣不能紀古且以近事言之自建武以來其犯法者常從燒當種起所以然者以其居大小榆谷土地肥美又近塞內諸種易以爲非難以攻伐南得鍾存以廣其衆北阻大河因以爲固又有西海魚鹽之利緣山濱水以廣田畜故能彊大常雄諸種恃其權勇招誘羌胡今者衰困黨援壞阻親屬離叛餘勝兵者不過數百逃亡棲竄遠依發羗臣愚以爲宜及此時建復西海郡縣規固二榆廣設屯田隔塞羗胡交關之路遏

甘肅通志

卷四十五

藝文

八

絕狂狡窺欲之源又殖穀富邊省委輸之役國家可
以無西方之憂

班昭上書請兄超 妾同產兄西域都護定遠侯超
幸得以微功特蒙重賞爵列遙侯位二千石天恩殊
絕誠非小臣所當被蒙超之始出志捐軀命冀立微
功以自陳效會陳睦之變道路隔絕超以一身轉側
絕域曉譬諸國因其兵衆每有攻戰輒爲先登身被
金夷不避死亡賴蒙陛下神靈且得延命沙漠至今
積三十年骨肉生離不復相識所與相隨時人士衆

皆已物故超年最長今且七十衰老被病頭髮無黑
兩手不仁耳目不聰明扶杖乃能行雖欲竭盡其力
以報塞天恩迫于歲暮犬馬齒索蠻夷之性悖逆侮
老而超旦暮入地久不見代恐開姦宄之源生逆亂
之心而卿大夫咸懷一切莫肯遠慮如有卒暴超之
氣力不能從心便爲上損國家累世之功下棄忠臣
竭力之用誠可痛也故超萬里歸誠自陳苦急延頸
踰望三年於今未蒙省錄妾聞古者十五受兵六十
還之亦有休息不任職也緣陛下以至孝理天下得

甘肅通志

卷四十五 藝文

九

萬國之歡心不遺小國之臣況超得備侯伯之位故
敢觸死爲超求哀旬超餘年一得生還復見闕廷使
國永無勞遠之慮西域無倉卒之憂超得長蒙文王
葬骨之恩子方哀老之惠詩云民亦勞止汜可小康
惠此中國以綏四方超有書與妾生訣恐不復相見
妾誠傷超以壯年竭忠孝于沙漠疲老則便捐死于
曠野誠可哀憐如不蒙救護超後有一旦之變冀幸
趙家得蒙趙母衛姬先請之貸妾愚戇不知大義觸

犯忌諱

虞詡上疏請復三郡 臣聞子孫以奉祖爲孝君上

以安民爲明此高宗周宣所以上配湯武也禹貢雍州之域厥田惟上且沃野千里穀稼殷積又有龜茲鹽池以爲民利水草豐美土宜產牧牛馬銜尾羣羊塞道北阻山河乘阨據險因渠以溉水春河漕用功省少而軍糧饒足故孝武皇帝及光武築朔方開西河置上郡皆爲此也而遭元元無妄之災衆羗內潰郡縣兵荒二十餘年夫棄沃壤之饒損自然之財不可謂利離河山之阻守無險之處難以爲固今三郡未復圍陵單外而公卿選懦容頭過身張解設難但計所費不圖其安宜開聖德考行所長

段熲上言討先零東羗 臣伏見先零東羗雖數叛

逆而降於皇甫規者已二萬許落善惡旣分餘寇無幾今張奐躊躇久不進者當慮外離內合兵徃必驚且自冬踐春屯結不散人畜疲羸自亡之執徒更招降坐制強敵耳臣以爲狼子野心難以恩納勢窮雖服兵去復動唯當長矛挾脅白刃加頸耳計東種所餘三萬餘落居近塞內路無險折非有燕齊秦趙從

橫之執而久亂并涼累侵三輔西河上郡已各內徙
安定北地復至單危自雲中五原西至漠陽二千餘
里匈奴種羗並擅其地是爲癰疽伏疾留滯脅下如
不加誅轉就滋大今若以騎五千步萬人車三千兩
三冬二夏足以破定無慮用費爲錢五十四億如此
則可令羣羗破盡匈奴長服內徙郡縣得反本土伏
計永初中諸羗反叛十有四年用二百四十億永和
之末復經七年用八十餘億費耗若此猶不誅盡餘
孽復起于茲作害今不暫疲人則永寧無期臣庶竭
甘肅通志

卷四十五 藝文

十一

駑劣伏待節度

魏刁雍鑿艾山渠表

臣蒙寵出鎮奉辭西藩總統諸

軍戶口殷廣又總勒戎馬以防不虞督課諸屯以爲
儲積夙夜惟憂不遑寧處以今年四月末到鎮時以
夏中不及東作念彼農夫雖復布野官渠乏水不得
廣殖乘前以來功不充課兵人口累率皆饑儉畧加
檢行知此土稼穡艱難夫欲育民豐國事須大田此
土乏雨正以引河爲用觀舊渠堰乃是上古所制非
近代也富平

寧夏靈州有富平廢城

西南三十里有艾山南北

二十六里東西四十五里鑿以通河似禹舊跡其兩岸作溉田大渠廣十餘步山南引水入此渠中計昔爲之高于水不過一丈河水激急沙土漂流今日此渠高於河水二丈三尺又河水浸射往往奔頽渠溉高懸水不得上雖復諸處接舊引水水亦難求今艾山北河中有洲渚水分爲二西河小狹水廣百四十步臣今求入來年正月於河西高渠之北八里分河之下五里平地鑿渠廣十五步深五尺築其兩岸令高一丈北行四十里還入古高渠卽循高渠而北復

甘肅通志

卷四十五 藝文

主

八十里合百二十里大有良田計用六千人四十日功渠得成訖所欲鑿新渠口河下五尺水不得入今求從小河東南岸斜斷到西北岸計長二百七十步廣十步高二丈絕斷小河二十日功計得成畢合計用功六十日小河之水盡入新渠水則充足溉官私田四萬餘頃一旬之間則水一遍水凡四溉穀得成實官課常充民亦豐贍

刁雍運屯穀付沃野表 奉詔高平安定統萬及臣所守四鎮出車五千乘運屯穀五十萬斛付沃野鎮

以供軍糧臣鎮去沃野八百里道多深沙輕車來往
猶以爲難設令載穀不過二十石每畝深沙必致滯
陷又穀在河西轉至沃野越度大河計車五千乘運
十萬斛百餘日乃得一返大廢生民耕墾之業車牛
艱阻難可全至一歲不過二運五十萬斛乃經三年
臣前被詔有可以便國利民者動靜以聞臣聞鄭白
之渠遠引淮海之粟汭流數千周年乃得一至猶稱
國有儲糧民用安樂今求於牽屯山河水之次造船
二百艘二船爲一舫一船勝穀二千斛一舫十人計
輕於車運十倍有餘不費牛力又不廢田

甘肅通志

卷四十五

藝文

三

須千人臣鎮內之兵率皆習水一運二十萬斛方舟
順流五日而至自沃野牽上十日還到合六十日得
一返從三月至九月三返運送六十萬斛計用人功
刁雍河西修城表 臣聞安不忘亂先聖之政也況
緩服之外帶接邊城防守不備無以禦敵者也臣鎮
所綰河西爰在邊表常懼不虞平地積穀實難守護
兵人散居無所依恃脫有妖奸必致狼狽雖欲自固
無以得全今求造城儲穀置兵備守鎮自建立更不

煩官又於三時之隙不令廢農一歲二歲不訖三歲必成立城之所必在水陸之次大小高下量力取辦宋宋琪論邊事疏臣頃任延州節度判官經涉五年

雖未嘗躬造夷落然常令蕃落將和斷公事歲無虛月蕃部之事熟於聞聽大約党項吐蕃風俗相類其帳族有生戶熟戶接連漢界入州城者謂之熟戶居深山僻遠橫過寇畧者謂之生戶其俗多有世讐不相來往遇有戰鬪則同惡相濟傳箭相率其從如流雖各有鞍甲而無魁首統攝並皆散漫山川居常不

甘肅通志

卷四十五 藝文

西

以爲患党項界東自河西銀夏西至靈鹽南距鄜延北連豐會厥土多荒隙是前漢呼韓邪所處河南之地幅員千里從銀夏至青白兩池地惟沙磧俗謂平夏拓拔蓋蕃姓也自鄜延以北多土山栢林謂之南山野利蓋羌族之號也從延州入平夏有三路一東北自豐林縣葦子驛至延州縣接綏州入夏州界一正北從金明縣入蕃界至盧關四五百里方入平夏州南界一西北歷萬安鎮經永安城出洪門至宥州

四五百里是夏州西境我師如入夏州之境宜先招

致接界熟戶使爲鄉導其強壯有馬者令去官軍三十里踏白先行緣此三路土山栢林溪谷相接而復險陁不得成列躡此鄉導可使步卒多持弓弩槍鎗隨之以三千人登山偵邏俟見坦途寧靜可傳號勾馬遵路而行我皆嚴備保無虞也長興四年夏州李仁福死有男彝超擅稱留後當時詔延州安從進與李彝超換鎮彝超據夏州固不奉詔朝廷命邠州藥彥稠總兵五萬送從進赴任時頓兵城下議欲攻取軍儲不繼遽命班師而振旅之時不能嚴整失

甘肅通志

卷四十五

藝文

五

戈棄甲遂爲邊人之利臣又聞党項號爲小蕃非是勦敵若得出山布陣止勞一戰便可盪除深入則饋運艱難窮追則窟穴幽隱莫若緣邊州鎮分屯重兵俟其入界侵漁方可隨時掩擊非惟養勇亦足安邊凡烏合之徒勢不能久利於速鬪以驍兵鋒莫若持重守疆以挫其銳彼無城守衆乏餼糧威賞不行部族分散然後密令覘其保聚之處預於麟府鄜延寧慶靈武等州約期會兵四面齊進絕其奔走之路合勢擊之可以翦除無噍類矣仍先告語諸軍擊賊所

獲生口資畜許爲已有彼爲利誘則人百其勇也靈武路自通遠軍入青岡峽五百里皆蕃部熟戶向來使人商旅經由並在部族安泊所求賂遺無幾謂之打當亦如漢界逆旅之家宿食之直也此時大軍或須入其境則鄉導踏白當如夏州之法況彼靈州便是吾土芻粟儲蓄率皆有備緣路五七程不煩供饋止令逐都兵騎裹糧輕齎便可足用諺所謂磨鍊殺馬劫一時之力也旬浹之餘固無闕乏矣

張齊賢上備邊疏 清遠軍陷沒以來青岡砦燒棄

甘肅通志

卷四十五 藝文

六

之後靈武一郡援隔勢孤此繼遷之所覬覦而必至者也以事勢言之加討則不足防邊則有餘其計無他蕃部大族首領素與繼遷有隙者若能陷以官爵誘以貨利結之以恩信而激之以利害則山西之蕃部族帳靡不傾心朝廷矣臣所領十二州軍見二萬餘人若緣邊料東本城等軍更得五萬餘人招致蕃部其數又踰十數萬但彼出則我歸東備則西擊使之奔走不暇何能爲我患哉今靈武軍民不翅六七

萬陷於危亡之地若繼遷來春於我兵未舉之前發

兵救援靈武盡驅其衆并力攻圍則靈州孤城必難
固守萬一失陷賊勢益增縱多聚甲兵廣積財貨亦
難保必勝矣臣所以乞封潘羅支爲六谷王而厚以
金帛者恐繼遷旦暮用兵斷彼賣馬之路也苟朝廷
信使得達潘羅支則泥埋等族西南遠蕃不難招集
西南旣稟命而緣邊之勢張則邨延環慶之淺蕃原
渭鎮戎之熟戶自然歸化然後使之與對替甲兵及
駐泊軍馬互爲聲援則萬山間之必不敢於靈州河
西頓兵矣萬山旣退則賀蘭蕃部亦稍稍叛繼遷矣

甘肅通志

卷四十五 藝文

七

若曰名器不可以假人爵賞不可以濫及此乃聖人
爲治之常道非隨時變易之義也

張齊賢上靈州事宜疏 靈州斗絕一隅當城鎮完
全積路未梗之時中外已言合棄自繼遷爲患以來
危困彌甚南去鎮戎約五百餘里東去環州僅六七
日程如此畏途不須攻奪則城中之民何由而出城
中之兵何由而歸欲全軍民理須應接爲今之計莫
若增益精兵以合西邊屯駐對替之兵從以原渭鎮
戎之師率山西熟戶從東界而入嚴約師期兩路交

進設若繼遷分兵以應敵我則乘勢而易攻且奔命
道途首尾難衛千里趨利不敗則禽臣謂兵鋒未交
而靈州之圍自解然後取靈州軍民而置砮於蕭關
武延川險要處以僞寓之如此則蕃漢土人之心有
所依賴裁候平寧却歸舊貫然後從蕃漢之兵乘時
以爲進退則成功不難矣

張齊賢上經制西邊疏

臣在先朝常憂靈夏兩鎮

終爲繼遷并吞言事者以臣所慮爲太過畧舉旣往
之事以明本末當時臣下皆以繼遷只懷戀父祖舊

甘肅通志

卷四十五

藝文

六

地別無他心先帝與以銀州廉察庶滿其意爾後攻
劫不已直至降麟府州界八部族蕃酋又脇制賀蘭
山下帳族言事者猶謂封獎未厚洎陛下賜以銀夏
土壤寵以節旄自此姦威愈滋逆志尤暴屢斷靈州
糧路復撓緣邊城池數年之間靈州終爲吞噬當靈
池清遠軍垂欲陷沒臣方受經畧之命臣思繼遷須
是得一兩處强大蕃族與之爲敵此乃以蠻夷攻蠻
夷古今之上策也遂請以六谷名目封潘羅支俾其
展効其時近臣所見全與臣謀不同多爲阻撓及繼

遷爲潘羅支射殺邊患謂可少息今其子德明依前
攻劫析逋遊龍鉢等盡在部下其志又似不小臣慮
德明乘大駕東幸之際去攻六谷則瓜沙甘肅于闐
諸處漸爲控制矣向使潘羅支尚在則德明未足爲
虞今潘羅支已亡厮鐸督恐非其敵望委大臣經制
其事

范仲淹論西事劄子一臣聞兵家之事在先觀虛實
之勢實則避之虛則攻之今緣邊城寨有五七分
之備而關中之備無二三分若吳賊知我虛實必先脅

甘肅通志

卷四十五

藝文

九

邊城不出戰則深入乘關中之虛小城可破大城可
圍或東阻潼關隔兩川貢賦緣邊懦將不能堅守則
朝廷不得高枕矣爲今之計莫若且嚴邊城使之久
可守實關內使無虛可乘西則邠州鳳翔爲環慶原
渭之聲援北則同州河中府扼鄜延之要害東則陝
府華州據黃河潼關之險中則永興爲都會之府各
須屯兵三二萬人若寇至使邊城清野不與大戰關
中稍實豈敢深入復命五路修攻取之備張其軍聲
分彼賊勢使弓馬之勁無所施牛羊之貨無所集三

二年間彼自困弱待其衆心離叛自有間隙則行天
討此朝廷之上策也又聞邊臣多請五路入討臣竊
計之恐未可以輕舉也太宗朝以宿將精兵北伐西
討艱難歲月終未收復緣大軍之行糧車甲乘動彌
百里敵騎輕捷邀擊前後乘風揚沙一日數出進不
可前退不可息水泉不得飲沙漠無所獲此所以無
功而有患也況今承平歲久中原無宿將精兵一旦
興深入之謀擊難制之敵未可知也然則漢唐之時
能拓疆萬里者蓋當時授任與今不同旣委之以兵
甘肅通志

卷四十五 藝文

三

又與之稅賦而不求速效故養猛士延謀客日練月
計以待其隙進不俟朝廷之命退不關有司之責觀
變乘勝如李牧之守邊可謂善破敵者唯陛下深計
而緩圖之

蘇軾論西羌夏人事宜 臣竊見近者熙河路奏生
擒鬼章百官稱賀中外同慶臣愚無知竊謂安危之
機正在今日若應之有道處之有術則安邊息民必
自是始不然將驕卒惰以勝爲災亦不足怪故臣區
區欲乞陳前後致寇之由次論當今待敵之要雖狂

愚無取亦臣子之常分昔先帝用兵累年雖中國靡
弊然夏人困折亦幾於亡橫山之地沿邊七八百里
不敢耕者至二百餘里歲賜旣罷和市亦絕彼中无
帛至五十餘千其餘老弱轉徙牛馬墮壞所失蓋不
可勝數饑羸之餘乃始款塞當時執政大臣謀之不
深因中國厭兵遂納其使每一使賜予貿易無慮得
絹五萬餘疋歸鬻之其民无五六千民大悅一使所
獲率不下二十萬緡使五六至而累年所罷歲賜可
以坐復旣使彼因吾資以德其民且飽而思奮又使

甘肅通志

卷四十五 藝文

三

其窺我厭兵欲和之意以爲欲戰欲和權皆在我以
故輕犯邊陲利則進否則復求和無不可者若當時
大臣因彼之請受其詞不納其使且詔邊臣與之往
返商議所獲新疆取捨在我俟其詞意屈服約束堅
明然後納之則彼雖背恩反覆亦不至如今日之速
也彼雖有易我意然不得西藩解仇結好亦未敢動
夫阿里骨董氈之賊臣也挾制其公主以弑其君之
二妻董氈死匿喪不發逾年衆定乃詐稱嗣子僞書
鬼章温溪心等名以請於朝當時執政若且令邊臣

審問鬼章等以阿里骨當立與否若朝廷從汝請遂授節鉞阿里骨真汝主矣汝能臣之如董氈乎若此等無詞則是諸羌心服既立之後必能統一都部吾又何求若其不服則鬻自彼生爵命未下曲不在吾彼旣一國三公則吾分其恩禮各以一近土使額命之鬼章等各得所欲宜亦無患當時執政不深慮此專以省事爲安國因其妄請便授節鉞阿里骨自知不當立而憂鬼章之討也故欲借力於西夏以自重於是始有解仇結好之謀而鬼章亦不平朝廷之以

甘肅通志

卷四十五 藝文

三

賊臣君我也故怒而盜邊夏人知諸羌之叛也故起而和之此臣所謂前後致寇之由明主不可以不知者也雖旣往不咎然可以爲方來之鑑元昊本懷大志長於用兵亮祚天付兇狂輕用其衆故其爲邊患皆歷年而後克定今梁氏專國素與人多不協方內自相圖其能以創殘呻吟之餘久與中國敵乎料其姦謀蓋非元昊亮祚之比矣意謂二聖在位恭默守成仁恕之心著於遠邇必無用武之意可肆無厭之求蘭會諸城鄙延五寨好請不獲勢挾必從猖狂之

後求無不獲計不過此耳今者竊聞朝廷降詔諸路勅勵戰守明逆順曲直之理此固當今之急務而詔書之中亦許夏人之自新臣切以爲開之太易納之太速曾未一戰而厭兵欲和之意已見乎外此復蹈前日之失矣臣甚惜之今若聞鬼章之捷或漸有款塞之謀必將爲恭狠相半之詞而繼之以無厭之請若朝廷復納其使則是欲戰欲和權皆在彼有求必獲不獲必叛雖媮一時之安必起無窮之釁故臣願明主斷之於中深詔大臣密勅諸將若夏人款塞當

甘肅通志

卷四十五 藝文

三

受其詞而却其使然後明勅邊臣以夏人受恩不貴無故犯順今雖款塞反覆難保若實心向化當且與邊臣商議苟詞意未甚屈服約束未甚堅明則且却之以示吾雖不逆其善意亦不汲汲求和也彼若心服而來吾雖未納其使必不於往返商議之間遽復盜邊若非心服則吾雖蕩然開懷待之如舊能必其不叛乎今歲涇原之入豈吾待之不至耶但使吾兵練士飽斥埃精明彼無大獲不過數年必自折困今雖小勞後必堅定此臣所謂當今待敵之要亦明主

不可以不知者也今朝廷意在息民不憚屈已而已
獻言乃欲艱難其請不急於和似與聖意異者然古
之聖賢欲行其意必有以曲成之未嘗直情而徑行
也將欲翕之必固張之將欲取之必固予之夫直情
而徑行未有獲其意者也若權其利害究其所至則
臣之愚計於安邊息民必久而固與聖意初無少異
然臣竊度朝廷之間似以畏事爲無事者臣切以爲
過矣夫爲國不可以生事亦不可以畏事畏事之弊
與生事均譬如無病而服藥與有病而不服藥皆可

甘肅通志

卷四十五

藝文

詩

以殺人夫生事者無病而服藥也畏事者有病而不
服藥也乃者阿里骨之請人人知其不當予而朝廷
予之以求無事然事之起乃至於此不幾於有病而
不服藥乎今又欲遽納夏人之使則是病未除而藥
先止其與幾何臣於侍從之中受恩至深其於委曲
而保全與衆獨異故敢出位先事而言不勝恐悚待
罪之至

元帖木兒鹽法疏

近蒙委巡歷奉元東道至元元年

各州縣戶口額辦鹽課其陝西運司官不思轉運之

方每年預期差人分道齎引遍散州縣甫及旬月杖
跟追鈔不問民之無有竊照諸處運司之例皆運官
名商發賣惟陝西等處鹽司近年散於民戶且如陝
西行省食鹽之戶該辦課二十萬三千一百六十四
錠有餘於內鞏昌延安等處認定課鈔一萬六千二
百七十一錠慶陽環州鳳翔興元等處歲辦課一萬
七千九百八十五錠其餘課鈔先因關陝早饑民多
流亡准中書省咨至順三年鹽課十分爲率減免四
分於今三載尚有虧負蓋因戶口凋殘十亡八九縱

甘肅通志

卷四十五 藝文

三

或有復業者家產已空邇來歲額豐收而物價甚賤
得鈔爲艱本司官皆勒有司徵辦無分高下一槩給
散少者不下二三引每一引收價銀三錠富家無以
應辦貧民安能措畫糶終歲之糧不酌一引之價緩
則輪息而借貸急則典鬻妻子繼引日到手力窘不
能裝運止從各處鹽商勒價收買舊債未償新引又
至民力有限官賦無窮又寧夏所產韋紅鹽池不辦
課程除鞏昌等處循例認納乾課從便食用外其池
鄰接陝西環州百餘里紅鹽味甘而價賤解鹽味苦

而價貴百姓私相販易不可禁約以此參詳河東鹽池除撈鹽戶口食鹽外辦課引數今後宜從運官設法募商與販但遇行鹽之處諸人毋得侵擾韋紅鹽法運司每歲分輸官吏監視聽民採取立法抽分依例發賣每引收價鈔三錠自黃河以西從民食用通辦運司元額課鈔因而夾帶至黃河東南者同私鹽法罪之陝西與販解鹽者不禁如此庶望官民兩便而課亦無虧矣

明楊一清請復茶馬舊例疏 臣於茶馬事例知聖祖

甘肅通志

卷四十五 藝文

三

神宗睿謀英畧度越前代也自唐世回紇入貢以馬易茶至宋熙寧間乃有以茶易蕃馬之制所謂以摘山之利而易充窟之良戎人得茶不能爲我害中國得馬足以爲我利計之得者無越於此至我朝納馬謂之差發如田之有賦身之有庸必不可少彼卽納而酬以茶斤我體旣尊彼欲亦遂較之前代曰互市曰交易得失輕重較然可知且金城之西綿亘數千里北有狄南有番狄終不敢越番而南以番人爲之世仇恐議其後此天所以限別區域絕內外者也國

初散處降夷各分部落隨所指撥地方安置住劄授
之官秩聯絡相承以馬爲科差以茶爲酬價使知雖
遠外小夷皆王官王民志向中國不敢背畔且如一
背中國則不得茶無茶則病且死以是羈縻之賢於
數萬甲兵矣此制西番以控北邊之上策前代畧之
而我朝獨得之者也頃自金牌制廢私販盛行雖有
撫諭巡茶之官莫之能禁坐失茶馬之利垂百六十
年豈徒邊方缺馬將意外之慮或從此生乞勅該衙
門將金牌舊額查出仍遣廷臣齎捧前來會同臣等
昭示番族使知朝廷修復舊制各當本等差發不許
違背附近番族調取原降金牌前來納馬給茶賞勞
有不受約束招調者官兵誅剿以警其餘庶幾恩威
並施番人懷畏永爲藩籬之固

劉天和陳邊計疏 訪得漢人歷年被驅掠在虜中
者常數萬人每虜騎南牧近邊則脫身而歸然以守
墩官軍殘忍貪功遇有到邊則僞舉火砲殺取首級
冒報功次希圖陞賞是以來歸者尚少查得舊例遇
有到邊鎮巡官查取姓名鄉貫差人伴送寧家夫彼

皆中土良民我不能衛之保安致彼被掠彼不忘我
冒死逃歸我不加恤又從而利其盜得之物此何理
也切念先年曾因邊方缺軍懸賞召募每軍一人給
銀五兩能名及百人者陞一級其所名者多老弱逋
囚之人然走回人口少小而去強壯而歸虜之伎倆
知之稔矣其耐寒暑習戰鬪猶夫虜也以此赴敵所
謂以虜禦虜也乃縱之使歸民伍謂之何哉近來各
鎮將官亦有私蓄以備爪牙者緣未著爲令故所收
者不多合無通行各該鎮巡官曉諭守墩官軍但有

甘肅通志

卷四十五

藝文

三

虜中走回人口隨即收送鎮巡官處時刻不許遲留
除老弱婦女照舊伴送寧家其精壯男子及十四五
歲幼童若係本鎮附近軍民俱倍加撫恤編入衛所
與正軍一體食糧無妻者官爲娶妻無屋者官爲買
屋發遊兵部下名爲先鋒軍每遇出戰用以當先使
之踴躍呼譟以倡士氣先登陷陣以挫賊鋒虜中騎
回馬匹有堪以出戰者官給時價收買不堪者聽其
自行變賣收送墩軍夜不收仍給官銀三兩以塞其
貪功妄殺之心其視用銀五兩召募不堪之人以耗

邊餉似有間矣若有貪功妄殺者下手之人抵命該管官知情者問發充軍仍行各該撫臣出給告示發各墩懸掛曉諭或別行名誘庶風聞塞外來歸者日衆每鎮若得千人以上鼓譟於軍中則三軍氣勝所向不怯而武功大振矣

楊博查處屯田計安地方疏 臣以庸劣誤蒙聖明付以邊撫重寄任事以來其於地方利弊靡不悉心講求大要河西事體重且大者莫過於屯田一事遂卽案行守巡兵備四道各將境內荒蕪田地通行查

甘肅通志

卷四十五 藝文

五

出或上下水利不通應該挑濬或人力牛種不敷應該處給或從來拋荒未種應該開墾逐一議處明白每處畫一小圖貼說其上陸續送閱果有父子兄弟相率力田者卽以姓名開呈動支官錢買辦羊酒花紅犒賞情農自安者各舉數人量加懲治以警其餘去後節據分巡西寧道副使鍾鑑先將鎮城迤南荒田開報到官如黑河木龍壩則有荒田二十餘頃河子渠則有荒田一十三頃馬子渠則有荒田一頃大溝渠則有荒田四頃卽鎮城一面荒蕪之田至于如

此其他十五衛所可概知矣臣卽督同鍾鑑前去各該地方逐一踏勘名人承種不見有響應者會集父老問之咸以爲往年興復屯田或種未入土名已入冊或人已在逃糧猶如故不知虜至則不得耕牧水淤則不能灌溉其從來拋荒之地雖節奉事例永不起科官司一槩追徵更無分別未受富饒之利先罹剝膚之害以故寧甘貧窶不敢承認臣惟甘肅地方與延綏事體大畧相同先年河東民運皆係本色後因輸納不便改本爲折遂致二鎮漸次蕭索延綏守

甘肅通志

卷四十五 藝文

三

臣無歲不討內帑者以其計無所出不得不仰給也甘肅苟且支持未嘗率意陳乞者非守臣之才過於延綏以其地土肥饒猶可耕牧故也臣自入境以來見所至荒田不下萬頃遂極力經理期于少效乃今備咨輿情始知其受病源委全在於催科之不法而法令廢闕實由於勸懲之未至若不急爲處分河西生計日就窮蹙臣恐萬不得已又將如延綏之奏討矣以內帑有限之財應諸鎮無厭之請非惟該部難以區畫亦非臣等邊臣體國之忠也昔漢趙充國唐

郭元振在河西咸卓然著聲考其所爲充國則上屯田便益以逸待勞元振則修通河渠盡水陸之利今時雖云異勢不甚殊做二臣之意而不泥於其跡固亦存乎其人焉耳如蒙乞勅該部將原奉各邊拋荒地土聽其儘力開墾永不起科其舊曾起科荒蕪年久仍要用力開耕應納籽粒一體蠲免事例再加申明行臣遵守仍聽臣將在城甘州左等五衛并山丹衛高臺所行分巡副使鍾鑑涼州鎮番永昌莊浪古浪五衛所行分守參政張璽肅州衛鎮夷所行兵備

甘肅通志

卷四十五 藝文

三

副使趙得祐西寧衛行兵備副使王繼芳各會同副參遊守等官督同衛所掌印管屯官員及茲邊警少緩之時將一應荒田查議停當候明年春煖刻期舉行合用錢糧人工等項并未盡事宜臣當往來調度次第整理各官果能加意區畫有益地方事宜查上勞勩該部一併錄叙怠惰誤事者具實論劾其衛所官吏知數人等若仍敢將荒田作弊朦朧起科嚴行拏問從重治罪中間如有應完籽粒亦許從實查免不得徒事虛文庶政有條理人自樂從臣猶恐議者

必以爲永不起科大便小民爲疑不知損上益下藏
富於民實自古經畧之長策若使民果富饑臣欲鹽
糧則鹽糧有餘臣欲銀糧則銀糧有餘臣欲清補接
年屯糧則屯糧有餘所謂授之所向無不如意不然
則民方餬口不給遑恤其他萬一虜騎充斥倉廩匱
竭河西不幾於坐困乎此臣之所以早夜圖維不能
已於有言也臣不任懇切覲望之至

楊博修築緊要城堡以弭外患疏 議得本鎮地方
斗絕羗戎之中孤懸河湟之外度勢審時較之沿邊

甘肅通志

卷四十五 藝文

三

諸鎮獨爲難守而經制長策大要亦不出于趙充國
留兵屯田部曲相保塹壘木樵校聯不絕之數言蓋
以靜制動以逸待勞自足以坐收成算而區區攻戰
之末不與焉臣以駑劣以今歲七月初始至鎮城
深爲積穀重農第一要務故亟將屯田事宜議擬題
請其次則繕城郭起塢堠謹烽燧良不容緩乃備行
守巡兵備四道將槩鎮城堡墩臺通行查處昨因八
月九月農工告畢已將甘州張欽等堡山丹石峽口
等堡風營等墩高臺老鴉等墩永昌明沙等墩洪水

閭王邊等墩涼州張義等堡紅城子大紅石等墩古浪可可等墩肅州譚家等堡應添置者次第添置應修飭者次第修飭事涉瑣細不敢陳瀆聖聽外但惟鎮番地方北出涼州二百餘里曠遠寥闊實與宣府獨石馬營相類昔人謂於涼州北境積中建置城垣控其衝要自是寇不敢復至涼州城下卽此處也乃今風沙壅積幾於城埒萬一猾虜突至因沙乘城豈惟涼永坐撤藩籬寔甘肅全鎮安危所繫至於涼州柔遠懷安靖邊亦皆番虜往來出沒之所垣牆低薄

甘肅通志

卷四十五

藝文

三

壕塹淤塞雖嘗屢議修築止緣無人任事旋議旋罷今右參政張璽欲要於鎮番添築關廂一則消除沙患一則增置重險并將修飭柔遠等堡事宜開呈前來謀之父老咸謂可行質之官僚殊無異議急當整理但夫役動調衆多錢糧經費浩繁事體頗重固非臣愚所敢擅舉如蒙乞勅該部再加查議稍待來年春季暖土脉融和容臣查照所議刻期舉行未盡事宜竟自查處仍行參政張璽涼州副總兵蕭漢往來督視務期一勞永逸保障地方事完將用過錢糧撥過

夫役備細造冊奏繳仍行守備蔡勳往來提調刻期完報

張倫救荒弭患疏 奏爲救荒弭患事切見陝西三年雨雪愆期赤地千里饑窘枕藉流移亡數賑貸罄倉廩之儲勸借竭富家之積誠可痛哭流涕且外控三邊內制番夷自古用武之地俗多强悍軍民雜處有回回土達河西番委兀兒囉哩諸種族雖係附籍當差狼子野心終不能保成化四年開城縣土達滿四相聚爲盜據險石城特勞大軍剿滅費出萬計

甘肅通志

卷四十五 藝文

十四

卽今之患又非滿四之比況虜賊猖獗各邊防禦誠恐風聞山西饑饉倉廩空虛謀大舉深入動調邊民截殺則軍餉何以備之轉輸何以處之此可慮者一也平慶地方盜賊蜂起誠恐勢至燎焰不可撲滅此可慮者二也流民俱在漢中荆襄萬山患出不測又非劉千斤比此可慮者三也王府祿米不足啼饑號寒此可慮者四也故曰思患預防有備無患臣有一

得之愚非身家利上爲朝廷下爲民命內防激變外防邊患昧死規畫條陳一曰救荒無善政興水利而

已臣見河南客船俱從黃河達淮直抵南京新河水
利莫此爲便照得南京常平倉烏龍潭等倉糧米不
下數百餘萬且近年歲頗豐稔乞勅內外守備南京
戶部總督糧儲等官會議將前項倉糧借撥五十餘
萬石於南京江淮濟川二衛馬快船撥一千駕船軍
人給口糧盤纏查取應天府官銀雇民船一千載運
至河南孟津縣等處水次收貯仍勅戶部將南方折
糧銀太倉銀運至孟津縣督有司雇騾車二千運至
潼關倉并合空閑處如法堆放以賑陝西山西河南

甘肅通志

卷四十五 藝文

三

各司府州縣官斟酌緩急難易設法運賑務在盡心
殫力俾民得實惠庶幾人心安而外患可防也二曰
浙淮長蘆存積官鹽所獲私鹽通賣銀運至南直隸
蘇松等府又各府庫銀督令有司以禮名積粟之家
依時估給米價船脚令其自行載運至前項水次有
能仗義輸米五百石者給與七品散官三百石者冠
帶榮身庶官民兩利三曰慶陽靈州鹽課司池鹽勅
陝西巡鎮等官名商納米於缺糧處上納斟酌米鹽
低昂定價如米貴糴買無出依時價納銀別行區處

糴賑四曰河州西寧等處官茶并獲私茶許客商於
缺糧去處納米領茶備賑五曰陝西司府州縣官隸
銀免徵以贓罰銀物減半支給以蘇民困待豐年簽
補六曰加意招撫復業將官銀易牛俱種子給招流
亡將拖欠糧草官物及一應不急之務暫令寬免有
司體詢民瘼曲加撫字七曰專委布政司官督有司
修理預備倉多方蓄積行問刑衙門贖罪納米備賑
八曰終南華吳山一帶深谷之中多有無藉假以僧
道潛住或聚衆爲盜或造爲妖言煽惑人心今饑民

甘肅通志

卷四十五 藝文

美

流移誠恐被其誑誘謀爲不軌宜出榜嚴加禁約

朱笈豁免屯糧賠累疏 臣伏讀皇上登極詔書一

陝西沿邊及兩廣等處軍民田地先年被賊蹂踐拋
荒者及各處荒閑官民田地各該巡按御史勘實具
奏該徵夏秋稅糧戶部悉與蠲免又各處水坍沙壓
等項民屯田地稅糧負累軍民賠納曾經撫按官查
勘明白具奏者該部卽與除豁欽此臣有以仰窺皇
上損上益下而軫恤民艱甚大惠也是故海內臣民
歡欣鼓舞莫不翹首拭目願太平之治謹以夏民負

累屯糧疾苦溼情上懇照得寧夏孤懸河外逼鄰虜
巢地土硝鹼膏腴絕少而當時定稅遽擬一斗二升
其後因缺馬缺料加增地畝草束賦日益重又其後
河勢遷徙衝沒良田遂至河坍沙壓高亢宿水荒蕪
無影等項而田不得耕矣繼又加以雜差則挑渠修
壩採草納料捲埽起塢等項而勞者弗息矣比先嘗
事臣工不忍前項田糧苦累節經具題未蒙豁免由
是歲無豐凶例取登足故糧有拖欠撒派包賠包賠
不過勒逼逃竄逃竄不已則又摘丁頂補派及嬰孩

甘肅通志

卷四十五 藝文

三

年復一年以有限之丁受無窮之累馴至戶口流亡
生齒凋耗臣先任寧夏項田軍餘見在二萬八千餘
人每衛所開報逃亡輒爲踉蹌自臣去大同丁憂起
復仍蒞斯土距今僅四年而逃移者又不啻五千餘
矣屢經前撫臣招徠復業畢竟傷弓之鳥驚棲不定
但聞清派相繼逃移遂使市井蕭條村落荒廢有不
忍言者夫國保於民民保于食今罔念夏民貽累之
殘傷而乃櫻情於催科之殿最追逋負之稅者逐見
在之民撒拋荒之田者毆安堵之衆臣不佞切有條

陳民瘼之計先已行寧夏兵糧道僉事劉之蒙查報
勘過河冊沙壓高亢宿水拋荒無影等田共一千六
十頃三十五畝計征糧一萬二千一十石穀草一萬
七千五百餘束地畝銀一百一兩折糧草銀四十三
兩造冊呈繳到臣覆查間忽覩邸報因該兵科給事
中劉鉉題爲摘陳邊民困耗之狀懇乞聖明破格蠲
恤荷蒙皇上勅下該部查勘臣竊私憂夏鎮素有江
南之名惟恐溺於舊聞者見此蠲免必曰夏有水利
稅不可免軍餉歲用額不可縮不蒙亟賜蠲恤輒復

甘肅通志

卷四十五 藝文

三

不識忌諱爲皇上陳之夫夏方何爲而敝也以糧差
繁重之累也糧差何爲而累也以塞北江南之稱也
諺曰耳聞不如目見彼擬寧夏于江南者果經歷其
地而灼見乎亦使夏人冒魚米之虛名受征歛之實
禍乎且江南財賦之地泉貨所通寧夏戎馬之區較
於陸海本相霄壤而顧有聲於寰宇之內自有小江
南之名故夏鎮鹽引會議增淮減浙而計部亦謂地
饒糧賤藉口滋駁故淮引不添浙引不減請給內帑
亦不肯多發也臣先任撫夏思爲邊氓告哀今奉查

勘據該道勘實造冊前來并勘實各項賠糧田地文冊一本進呈御覽伏望聖明勅該部通將包賠糧草原額悉與開除其高亢等項量爲減徵流民復業官助開墾待後地闢財豐漸次補復舊額一以盡損上益下之愛一以昭聚人導利之公庶脫之於湯火之中而登之於衽席之上無事必謹惟正之供有事必據敵愾之志臣所謂固護人心而保安地方者此之謂也

雜遵請墾屯田疏 恭惟皇上念邊人之疾苦也計

甘肅通志

卷四十五

藝文

五

多得良司牧頃言官部臣請增科額卽可其奏蓋廣羅才雋重邊牧甚至德也臣竊惟得可用之人卽爲可爲於可爲之時今時可爲莫急於九邊之屯田而其廢舉係司牧焉敬爲皇上陳之西起燉煌東距遼海邊陲延袤萬餘里者初立軍衛時軍各予屯田雖坐落地方遠近不一其數相當不至少缺相沿至今邊軍多缺伍而田以屯征課者每每告匱不能餉什之二三夫度田非益寡而計兵未加益以口量地視昔猶有餘而食之甚不足者無乃屯田之失其初也

近來議復屯田者不知有幾訖未見效而復其舊者其說固多大較不過有二焉一則戎馬之出沒無常邊人畏而不敢耕一則佃屯之項補多差邊人苦而不肯耕時虜釋桀心未有騷於邊境失此不復後難爲力今復屯田相近而實不同田以屯名豈非以屯兵而名耶見屯見佃者依舊辨課不容復議比訪之邊人及經彼守令皆云沿邊舊田今多荒棄間有願自開墾者禁之何未食新田之粒先有頂軍之苦是能棄良田爲荒蕪不能舍荒蕪而許耕耘執此籌邊

甘肅通志

卷四十五 藝文

罕

臣愚竊謂非計也然與其額征而禁民之耕孰若弛禁以盡益窮卒乎臣反復思必須重望科甲之人布列沿邊州縣方可藉以舉行但往年議者重惜科甲多畏邊地孤危授官稀鮮豈知志士垂助念不異遠忠臣報主義不辭難況入官一時之苦易邊塞萬姓之福而先試諸難又作成人才之一要機也有識之士伊誰憚而不救耶伏願皇上勿忘邊備之單弱推廣臨軒之德意勅吏部遵照欽依查將沿邊一帶

州縣每遇選期先儘進士相應者選授正官如員缺

太多間從見例擇年力精健舉人稍填補之分符專
牧廣托民社之寄星列棊布密堅捍禦之司其前項
傍邊近地逃絕拋荒凡可田去處悉令各正官聽督
撫委用親自履行相度地里得便宜懸令不論官軍
土著流民各色人等願佃者許其開墾卽以所墾田
爲永業不起科復其他徭量給租種或相險阨以結
團堡或挑溝畛以邊衝突諸可備邊安百姓者任設
方畧互爲永圖不必屑屑然數日計功則荒塞餘民
困弊可蘇又況耒耜之農夫卽皆保障之力士不數

甘肅通志

卷四十五 藝文

望

年間邊食旣豐兵丁亦足萬一有警呼吸成聚家自
爲守人自爲戰可恃紆宵旰之憂者策未出此也再
乞仍勅兵部速咨各邊督撫責令司道官不許沿襲
故套驍委軍職槩隱見屯巧作拋荒惟許專令州縣
正官分區畫域親踏荒地急爲開墾毋令後時其寬
課如議不得分毫科擾統待三年考績奏報酬以異
格不次超擢倘督責於上者發文移爲了事奉行於
下者呈文移而報完不求實效壞我邊事許各該巡
按御史の查參奏重治不少貸則皇上增額之德意

流溢塞下而墾田之實政可及時振舉矣

戴才議處極邊地方兵將疏 臣惟甘肅一鎮最爲孤懸而防範機宜尤當嚴密所以然者何也蓋各邊止知防秋而甘肅四時皆防各邊止知防虜而甘肅則又防番防回兵馬奔馳殆無虛日凡可權宜裁處者皆次第舉行外竊照高臺所設在甘州之西相去二百餘里土壤肥饒軍民庶富猾虜素所垂涎賊番不時窺伺先年議設操守一員管領馬步官軍一千餘員名在彼防禦緣官卑兵寡番虜易玩每遇大虜

甘肅通志

卷四十五 藝文 望

侵犯動發兵馬設伏不惟徒勞軍士亦且糜費芻糧且住居之民多係四外流移姦僞百出難以制馭又照西寧巴暖三川介於山溪之中東接蘭州南抵河州西連碾伯尤爲曠遠且土漢雜居番虜環峙中間膏腴相望黎棗成林少有不足卽肆剽掠此時雖設防守官一員摘撥西寧官軍二百餘員名并彼處屯長土兵相兼防範每遇有警去西寧頗遠加以蘭河逃遁之民附於其中相誘爲非動倡悖逆此二處實不容不慮也然欲爲處必須增置兵將而增置兵將

又當會計錢糧當此極邊困乏之時如之何其可也
臣查得甘州旣設總兵官一員統領正兵三千及標
下前鋒家丁勇士一千居中調度已足捍衛又設協
守左副總兵一員統領奇兵三千共駐一城似將有
制之兵置於無用之地中間裒多益寡移彼駐此要
必有道以通之也及質諸守廵二道李敏德張廷槐
等會同總督三邊軍務右侍郎郭乾及廵按御史雷
稽古議照高臺與巴暖三川地方俱係富饒要害之
處無事則彈壓軍民有事則防禦番虜誠不可缺人

甘肅通志

卷四十五 藝文

聖

也酌量已久故敢冒昧上陳伏望皇上軫念河西極
邊重地乞勅兵部再加詳議如果臣言不謬合無將
高臺操守裁革左副總兵移駐高臺就將奇兵官軍
摘撥一千員名與高臺所見在官軍共合二千之數
付之本官統領防禦其東而平川守備西而鎮夷操
守勢相聯屬亦聽本官管轄調度應援截殺高臺旣
議裁革却於巴暖三川地方比照礮伯添設操守一
員再於西寧遊兵下班軍內撥發二三百名或召募
一二百名與前軍士付之統領防守臣等又思作事

貴於謀始選將尤在得人查得甘肅坐營都司莫倦宅心勤謹生長西寧彼中土俗民情山水險易素所稔知若將本官改授巴暖三川操守添設之初凡一應防禦事宜必能有濟如此庶兵將增重番虜警服軍民既有所賴地方可保無虞矣

鄭洛收復蕃族疏 據西寧兵備道按察使石槓呈會同贊畫主事梁雲龍僉事萬世德議照西寧古湟中地也乃甘肅涼莊之右臂河州洮岷之前戶萬山廻合二千餘里諸蕃羅列奚啻數萬顧附近境內而

甘肅通志

卷四十五

藝文

器

歲納茶馬者謂之曰屬蕃其散出山外而易茶屬蕃者謂之生蕃種類不一遠近攸分要之皆爲中國之藩籬向未欸之先松套諸虜遠莫敢犯間有海虜諸寇諸蕃兵力既足相抗又畏漢兵之尾其後去擣其巢穴以故忽來忽去未爲大害第自數年以來虜借中國之欸不獨海上而延寧松套諸虜會盟彘聚長驅大進始而搶山外之蕃矣在該鎮則曰此生蕃也非吾族類坐視荼毒恬不爲異以故生蕃俛首歸順歲納添巴願爲部落如紅帽兒姑古只等不知其幾

已繼而搶境內之蕃矣在該鎮則曰此雖屬蕃非吾百姓也曲爲隱忍莫之一救以故屬蕃甘心願從亦歲納添巴而招中漸廢如俺官阿落受等族又不知其幾已諸蕃旣順又因而搶土漢之民矣陰實劫奪賜爲誤及在將領亦曰蕃漢雜處原無分別互相容隱量爲夢須罰服粉飾塘報以邀重賞細梭等物利不止於數倍故土民無依亦倣效諸蕃添巴之例而歲納不缺甚至有土官爲土民而賞給有差者亦添巴之別名也年復一年剝削日甚以麥豆青稞口食

甘肅通志

卷四十五 藝文

望

取之蕃也褐疋毛布輕煖取之蕃也迨其搶掠或令爲嚮導或驅爲前鋒兵力亦取之蕃也且往年該路將領旣不能保蕃又能害衆如以鼠竊小事輒率兵攻打堡帳希圖牛羊資財之利其偷趕達子馬匹本爲報復則又代爲追還倍加罰服內困於法外困於虜諸蕃蹙額之情誠仰天而莫訴矣然虜黨日增則虜謀巨測漸生不軌之心故一犯而西寧殺副總兵李魁等再犯而洮州殺副將李聯芳又犯而河州殺遊擊李芳長驅洮渭騷動三秦擄掠之慘道路痛心

今特令大臣經畧贊畫司道分餼創虜招蕃招回生
屬蕃人共一百六十族部落該七萬四千七百一十
餘名傾心歸順各無異詞等因到臣議得兩河皆蕃
而河西爲甚河西四郡皆蕃而西寧爲甚蓋緣遠連
青海近接河湟古先零罕开遺種在焉其於匈奴種
類既殊住居各異故甘肅一鎮北則匈奴南則羌蕃
漢稱河西五郡斷匈奴右臂者以虜不能越此而南
牧也祖宗畧地西陲緣俗立教加意諸羌故大建梵
宇特賜專勅蕃僧爲衆推服者大者國師小者禪師

甘肅通志

卷四十五 藝文

巽

其諸豪有力者或指揮千戶百戶各授有差各寺崇
奉勅書及原領金玉印章在焉又以諸蕃資茶爲命
故許納馬中茶以示羈縻屬蕃無異編民生蕃雖不
敢內嚮而所資茶篋則轉資於屬蕃二百年來分方
住牧內外相安若時有跳梁或撫或剿旋即安定其
松套諸虜雖嘗垂涎搶掠然以甘鎮斥堠聯絡虜即
潰牆而南畏我乘之旋即宵遯且虜敢掠蕃蕃亦殺
虜利害得失亦畧相當故蕃人爲我保疆無敢異志
自欵貢以來虜王南牧許之借途因而收蕃此後虜

騎因仍不爲禁制遂致虜縱蹂躪蕃失憑藉子女牛羊皆虜所有生死予奪惟虜所制日招月引蕃安得不盡歸之虜也以故虜舍故巢率趨西海豈獨水草豐美寔以諸蕃可利初尚利蕃之財物繼則利蕃爲爪牙久之則利爲心腹矣蓋虜驅蕃以掠漠而其禍本胚胎則漠爲虜而驅蕃也臣細問積弛皆謂蕃虜交通大防已潰西海四郡何地非蕃何地非虜驅之不能招之不可蓋驅蕃則明以予敵招蕃又恐陰爲虜應卽地方官員亦謂此輩浸淫日久必不可招招

甘肅通志

卷四十五 藝文

望

則引賊入室難與共居將付之無可奈何而已臣竊謂蕃虜之勢不分則心腹之患無已故欲蕩兩川須清西海欲清西海須鼓諸蕃乃大修播告廣詢羣策乘其極困誘以真情畧其往愆開之新路乃各蕃遠近傳聞風勢感動始而余加七族自虜逃回旣而紅帽一族賓妻送返臣至西寧凡蕃首投見者皆進之臺階撫之善語慰其苦楚賞以口食各蕃無不感激泣下願歸故巢奮勇殺虜者臣益加鼓舞乃守備祁

德遍歷蕃巢遊擊曾光祖多方樹幟按察使石積恣

心區畫主事梁雲龍僉事萬世德極力經營且條分縷析部落有數中馬有額安插有所保護有方不惟屬蕃復歸卽生蕃亦附不惟蕃慕義而逃歸卽虜亦畏威而速返千里之藩籬旣撤而復附數萬之戎羌旣叛而復歸從此土宇如常邊疆無改戎羌安堵胡虜不侵張天朝之靈寵擅國家之盛事蓋收此羌戎有六利焉蕃不附虜虜必讐蕃虜旣讐蕃蕃益叛虜其約旣解其勢卽分虜旣難侵蕃亦易制利一也虜越甘涼惟蕃是掠今我保蕃蕃氣自壯或偷趕馬畜

甘肅通志

卷四十五 藝文

哭

或竊殺虜級使虜不寧居流寇自息利二也羌富畜牧觔角皮革可供軍需利三也牛羊醃酪繹絡來市邊民財貨日通閭閻無匱連年殘壞可以甦息利四也山林通道樵牧來往蕃漢無猜小而薪爨大而材木源源資給利五也我旣示恩蕃必懷感日與土人相親和睦不出五六十年與西納等族俱可化爲良蕃利六也而其安危喫緊尤在于蕃虜勢分虜難深入者此皆事理易見土俗之人俱能言之然臣之所

以皇皇爲善後之慮固不在今日安插之妥而特爲

後日紛更之慮也

甘肅通志

卷四十五

藝文

一

甘肅通志卷之第四十五

終

